



# ज्वजलपा वाःपौ

JWOJALAPA WEEKLY

दैं ७ ल्याः १८ (पूर्णडक १२०) ने. सं. ११३७ थिलागा द्वादशी आइतवाः २०७३ मंसिर २६ गते आइतवाः (Dec- 11, 2016)

मू ८१- पृष्ठ ६

## ‘छेँजःपिनिगु ग्वहालिं हे अन्तर्राष्ट्रिय सिरपाः त्याकेत ताःलाःगु खः’ मचा बुइ धुंकाः ल्हवंगुलिं गंसि यायेत वव हे थ्व थासय् थ्यंगु खः –ननिता महर्जन



आः स्वर्ण पदक त्याकेत  
तयारी यायेगु जुइ

ज्वजलपा वाःपौ /

किपूया म्थ्याय्मचा ननिता महर्जनं नेपाःया इतिहासय् हे न्हापांखुसि बडिबिल्डिड कासाय् त्याकादीगु खःसा वय्कःयात किपुलिइ सांस्कृतिक बाजं थाना चाःहिइकेगु नाप नापं सम्मान यायेगु ज्या तक याःगु दु ।

किपूया तःननि त्वाल्य जन्म जुयादीमह नेवाः म्थ्याय्मचा ननिता महर्जन वज्राचार्य च्याक्वःगु डब्लुवीपीएफ विश्व शारीरिक सुगठन अले स्पोर्ट्स फिजिक च्याम्पियनसिपय् आइतवाः कास्य अर्थात लियांल्यूया तक्मा त्याकेत ताःलाःगु खः ।

इहिपा लिपा काय् बुइ धुंकाः ल्हवनावःगु अवस्थाय् फिटनेस जुइगु नितिं कासा ख्यलय् वनागु अले बुलुहुं बुलुहुं जिम यायेगु पाखे वना थौया अवस्थाय् तक थ्यंगु खः धकाः ननिता महर्जनं धयादीगु दु ।

थः थुगु अवस्थाय् तक थ्यंका सिर पा त्याकेत ताःलाःगुया मू हुनि धइगु हे थःगु छेँजःपिनिगु ग्वहालिं खः धकाः

तकं धयादीमह ननिता महर्जन सिरपाः त्याकेधुंकाः थः तसकं उत्साहित जूगु खँ नं कनादी ।

कासा त्याके धुंकाः संचार कःमितलिसे खँल्हासे वय्कलं मेगु कासाय् न्हाप सिरपाः त्याकेगु कथंया तयारी यायेगु जुइ धकाः धयादीगु दु । अन्तर्राष्ट्रिय स्तरया कासाय् कास्य पदक त्याकागु अवस्थाय् थःगु म्हगःया जंक्वय्या वय् माःगु कथं लात्याः अर्थात मसल्स खने मद्दुगुलिं न्हाप सिरपाः त्याकेत ताःमलाःगु थःगु कमजोरी खः धयादीमह वय्कलं आः उकियात ध्यान तया मेगु कासाया नितिं तयारी यायेगु जुइ धकाः धयादिल ।

ननिताया डेब्यु अन्तर्राष्ट्रिय धेँधेँ बल्लाखय् मिसा एथलेटिक फिजिकय् लियांल्यू लानाः कय्या तक्मा त्याकूगु खः । थाइलायन्डया पटायाय् स्वन्हुतक जूगु धेँधेँ बल्लाःया लिपांगु दिं ननिता फाइनलय् चाइनिज ताइपेईया सुन सु तिड व इटालीया एलेसान्द्रा डा सिल्भायात ल्यूने लाकाः काँस्यया तक्मा

किपुलिइ तःजिक  
लसकुस याना हन

त्याकूगु खः । छुं महिना न्ह्योः जक नेपालय् जूगु अज्वःगु हे कासाय् ननिता महर्जन न्हाप लाःगु खःसा अनं लिपा अन्तर्राष्ट्रिय स्तरया कासाय् वय्कः सहभागी जुयादीगु खः ।

न्याम्ह कासामिया ब्वति दुगु उगु धेँधेँ बल्लाखय् मंगोलियाया गाम्बागा उगल्सेवेग न्हाप अले उज्वेकिस्तानया नुरायेमा येलेना ल्यू लाःगु खः ।

नेपाःया शारीरिक सुगठनय् नेपाःया मिसा कासामिं तक्मा त्याकूगु थ्व न्हापांगु खुसी खः । ननिता अन्तर्राष्ट्रिय धेँधेँबल्ला कासाय् ब्वति कयादीमह निम्हमह मिसा कासामि खः । संयोगया खँ, अन्तर्राष्ट्रिय धेँधेँ बल्लाखय् ब्वति काःमह न्हापांमह नेपाःमि मिसा नं ज्यापु समुदायया निर्मला महर्जन खः ।


### बजारय् वये धुंकूगु दु थःगु प्रति सुरक्षित यानादिसँ



पांगाया विष्णुदेवी  
बालकुमारी जात्रा

ज्यापु महागुथि किपू  
नगर समितिया न्हापांगु  
पिथना  
पांगाया विष्णुदेवी  
बालकुमारी जात्रा  
च्वमि दिपा महर्जन  
मू १५०/-तका

पत्रकार श्रीकृष्ण महर्जनया  
खुगूगु कृति  
बखुमदः जात्रा  
(न्हय्गां जात्रा)  
पिकाक  
लहना मिडिया  
मू ३०/-तका



बखुमदः जात्रा  
न्हय्गां जात्रा





## ज्वजलपा वा:पौ

सल्लाहकार

श्रीकृष्ण महर्जन

प्रकाशक:

नजरराम महर्जन

सम्पादक

श्रीकृष्ण तण्डुकार

ले-आउट:

ज्वजलपा डेस्कटप

संवाददाता

भरत महर्जन, निरजमान सिंह

थाकू

प्रिन्ट स्काई, येँ

ज्याकू: निखासी त्वा: किपू नपा-३

फोन ल्या: ४३३३००७, ९८४९४०९०७७

ई-मेल : jwojalapaweekly@gmail.com

### सम्पादकिय

## नेवा: सरोकार

न्हूगु संविधान संशोधन, कार्यान्वयन व चुनावया विषय राजनीतिइ चर्चा व बहसया विषय जुयाच्वंगु दु । राजनीतिक पार्टीया नेतात सार्वजनिक रुपं थुगु विषययात कया थःथःगु बिचा: प्वंका वयाच्वंगु दु ।

न्हापानिसं सभ्य समुदाय अले सुसंस्कृत समुदाय धका: नालातःपिं नापं मल्लकालय् हे भाषा, संस्कृतिनिसं प्रशासन तकं तसकं विकास याये धुंकूपिं नेवा:त थ्व इलय् संविधान संशोधन, संविधान कार्यान्वयन नापं चुनावया वारे गुलि सरोकार क्यनेमा:गु खः उलि क्यनेगु ज्या यानाच्वंगु खने मदु ।

विशेष याना राजनीतिक पार्टीया ल्याखं नेवा:त नं विभाजित जुयाच्वंगु अले नेवा:तय्गु मंका:गु मुद्दा भाषा, संस्कृति, भूमिया विषय नापं अधिकारया सवालय् तकं नेवा:तय्सं मा:गु कथं सरोकार क्यने फयाच्वंगु मदु । उकिं राजनीतिक दलया नेतातय्सं तकं जारी जूगु संविधानयात नेवा:तय्सं स्वीकार यानाच्वंगु दु धका: धायेगु याना हयाच्वंगु दु । धात्येँ नेवा:तय्गु सरोकार छु खः ? नेवा:तय्सं थ्व इलय् मंका: कथं माग याना वयाच्वंगु छु खः धका: स्पष्ट जुया न्ह्या: वनेमा:गु ई वःगु दु ।

## बखुमद: न्हय्गां जात्रा क्वचाल

येँया दक्षिण पश्चिम लागाय् थिलां जुइगु बखुमद: न्हय्गां जात्रा क्व:चा:गु दु । किपू, पांगा, नगां, ब्वसिगां, ल्हंखा, मच्छेगां, सतुंग: नापं अन ज:ख: नेवा:तय्गु वस्तीइ जुइगु जात्रायात बखुमद: न्हय्गां जात्रा धायेगु याना वयाच्वंगु दु । थिलागा अस्तमि खुन्हु नगामय् बालकुमारीया जात्रा नापं धालचा खाकेगु जात्रा जुइ । नगांया पीगनय् चान्हय् न्याम्ह मनूतय्सं धालचा ज्वना खाइगु जात्रायात हे धालचा खाकेगु जात्रा धाइगु खः । बखुमद: न्हय्गां जात्राया भुवलय् थिलाख नवमि खुन्हु पांगाय् विष्णुदेवी व बालकुमारी निख: खतय् तया: जात्रा याई । विष्णुदेवीया ख: तधंगु ख: जुइसा बालकुमारीया ख: भतिचा चीख: जुइ । दशमी खुन्हु किपुली इन्द्रायणी व गणेश:यात खतय् तया: देय् चाहुइका: जात्रा याइ । इन्द्रायणीया ख: तधंगु ख: जुइसा गणेश:या ख: चीधंगु ख: जुइ । पांगाय् विष्णुदेवी व बालकुमारीया निगु घख: घ:चपाय् तया:तइ । त्वा:त्वानं अनं बाजं थाना देके वय्थुंका: छता: इलयपाखे अनं घ:ख: ल्हवना: हइ । देय् न्यंक चाहुइका जात्रा याइ । किपुली घ:खाय तया:त:गु ख: जात्रा याना: लायकुली दिका तइ । लायकुली द्वारे पुजा वयेथुंका: तिनि घ:ख: ल्हवना: हया देय् चाहुइका: जात्रा याई । देय् न्यंक चाहुइका जात्रा याना आजु घ: (बाघभैरव) या न्ह्योने थ्यंका: क्वचाय्कीगु खः ।

मच्छेगां व सतुंगलय् नं विष्णुदेवीया जात्रा याइ । ल्हंखा: व बोसिगांमय् भैरवया जात्रा याइ । थथे पालाक: छकलं हे न्ह्याइगु जात्रा जुया हे न्हय्गां जात्रा धयात:गु खः । थ्व हे भुवलय् आइतवा: द्वादशी खुन्हु सतुंगलय् प्वंख: जात्रा जूगु दु । प्वंख: जात्रा धाइगु घ:या मूर्ति मतसे खालीगु ख:यात बाजागाजा सहित त:जिक जात्रा याइगु खः । बखुमद: जात्राया दक्ले लिपांगु जात्रा कथं प्वंख: जात्रायात नाला वयाच्वंगु दु ।



## ननिता महर्जनया किपा: विशेष थाइल्याण्डनिसं किपू तक





## राससया प्रधान सम्पादक शाक्य सम्मानित

१३ वडा ग्वाहालि पुचःया ग्वसालय् यँय् न्हूदँ नेपाल सम्बत ११३७या लसताय् भिन्तुना कालबिल ज्याभवः जूगु दु। भिन्तुना ज्याभवलय् १३ वडा दुनेया विशिष्ट व्यक्तित्वपिन्त हंगु खः। उकिया भवलय् राष्ट्रिय समाचार समितिया प्रधान सम्पादक राजु शाक्ययात हंगु दु। शाक्ययालिसँ अन्तर्राष्ट्रिय धावक बैकुण्ठ मानन्धर व



समाजसेवी बेदराज शर्मा रुपाखेतीयात नं हंगु खः। सम्मानित व्यक्तित्वपिन्त ज्याभवःया मू पाहां जनकवि दुर्गालाल श्रेष्ठ हनापौ लःल्हानादिल। ज्याभवलय् जनकवि श्रेष्ठया लिसँ समाजसेवी प्रा.डा.तुलसीनारायण श्रेष्ठ, आदिवासी

जनजाति वकिलपिनिगु संस्था लाहुरिपया छ्यान्जे शंकर लिम्बु, राजनैतिक विश्लेषक सीके लाल, कृष्णभक्त हाछेथुं राज्य आदिवासी जनजातिया अधिकार सुनिश्चित यायेमाःगु खँय् वः बियादीगु खः। ज्याभवःया उलेज्या जनकवि श्रेष्ठ त्वाःदेवाय् मत च्याकाः यानादिल। ज्याभवः पुचःया नायः जीतबहादुर मानन्धरया सभा नायकय् जूगु खः।



## किपुली होम स्टे तालिम बिइगु

किपूया ३ वडा चिथु त्वालय् च्वंगु सन स्टार क्लबया ग्वसालय् व नेपाल पर्यटन तथा होटल व्यवसाय प्रतिष्ठान (NATHM) या ग्वाहालिइ होम स्टे तालिम जुइगु जूगु दु।

ऐतिहासिक नगर किपूयात पर्यटकीय गन्तव्यया रुपं विकास यायेगु आज्जु उक्तथं किपुली होम स्टे तालिम ज्याभवःया ग्वसाः ग्वयागु खँ उगु तालिमया संयोजक राजकुमार महर्जनं जानकारी बियादीगु दु। मंसिर २९ गतेनिसँ पुष ५ गतेतक न्ह्याइगु उगु होम स्टे तालिमय् ब्वति काये मंदुपिन्सं मंसिर २५ गते शनिवाःतकया दुने किपूया ३ वडा चिथु त्वालय् च्वंगु पर्यटन सूचना केन्द्र कीर्तिपुरय् व संयोजक भाजु राजकुमार महर्जनयात स्वापू तयादीत ग्वसाः खलः सन स्टार क्लबं इनाप याःगु दु। थुगु होम स्टे तालिम किपूया ४ वडाय् च्वंगु सामुदायिक भवन क्वाःकेबय् सुर्थासिया ११ ता इलनिसँ न्हिनसिया २ ता ईतक मंसिर २९ गतेनिसँ पुष ५ गतेतक न्ह्याइगु जानकारी संयोजक भाजु राजकुमार महर्जनं जानकारी बियादीगु दु।

## स्वनिगलय् नेवाःत अल्पमतय् मलाः

नेपाःया राष्ट्रिय सम्बत ११३७ न्हूदँया लसताय् यँय् महानगरपालिका वडा नं. १३ ग्वाहालि पुचलं ग्वसाःग्वःगु ज्याभवलय् लाहुरिपया छ्यान्जे शंकर लिम्बु सरकारं देशया जनताया नयेगु नसा, च्वनेगु वाय् व पुनेगु लंया सुनिश्चिता यायेमाःगु अवस्थाय् सडक विस्तारया नामय् राज्य हे स्वनिगःया आदिवासी नेवाःतयगु वाय् लाका कयाच्वंगु धयादिल। वर्तमान संविधानं नेवाःलिसँ

थारुतयगु अस्तित्वयात संकटय् लाकूगु लिम्बुया धापू खः। अथे हे जनकवि दुर्गालाल श्रेष्ठ नेवाःत च्यः बुद्धि जुयाः भं भं ल्यूने लानावनाच्वंगु धयादिल।

आः नं च्यः बुद्धि त्वःताः अधिकार प्राप्तिया नितिं न्हयज्याःसा थःगु अधिकार कायेफइगु खँ श्रेष्ठ कुलादिल। व हे कथं, राजनैतिक विश्लेषक सीके लाल मोहनिया इलय् सकलें थःथःगु छँय् वनीगु इलय्



स्वनिगःया वास्तविक जनसंख्या खनेदइगु धयादीगु खः।

राजनीतिक विश्लेषक सीके लाल नेपालया जनगणनाया तथ्यांक स्वयेबलय् स्वनिगलय्

नेवाःत अल्पमतय् लाःगु खनेदुसां मतदाता नांघलः व नागरीकताया आधारय् स्वयेबलय् नेवाःत अल्पमतय् खनेमदुगु प्रष्ट यानादिल।

## नगांया रामदास महर्जनं जग्गा दान बिल



धेवा जक दयवं मनुत तःमि जुइमखु। धेवा दुपिला थ्व हलिंमय गुलि दु, गुलि दु ल्याखनां ल्याखय् फइमखु। धेवा छुकिया निति छाय् माल ? थःगु जीवन याउँक हनेत धेवा मदय्कं मगाः उकिं यक्व मनुतसँ धेवा कमाय् यायेगु निति जिउगुं मजिउगुं ज्या याना जुइ।

मनू जुया जन्म कया छन्हु सकलें सिना वनेमानी, गुलिं न्हापा सिनावनी गुलिं भतिचा लिपा वनी। छन्हू सिइमाःगु धुव सत्य खः। थ्व सर्कसिनं सिउ। भीपिं सिइबलय् फिना तयागु वसः तर्क त्वकी। भीके न्ह्याक्व हे धेवा दुसां व धेवा ज्वना वने खनी मखु।

थःनये थःत्वने जक यायेगु खःसा मनू जुयाया छुं सार दइमखु। मनुतय्गु दुगु

धनसम्पति सुयां निति धाये समाजया निति छुं ज्याख्यलय् वःसा जक व धन सम्पतिमा मू दइ। नगांया रामदास महर्जन व वय्कःया तिरि मय्जु नानी महर्जनं नगां खाः पुखु लिक्क च्वंगु थःपिनिगु नामय् दुगु जग्गा नगां ज्ञानमाला भजन खलः नगांयात दान बिइगु वचं बियादीगु दु।

भिहगः सनिवाः नगां ज्ञानमाला भजन खलःया छगू ज्याभवलय् वय्कःपिन्सं जग्गा दानया वचं बियादीगु खः।

रामदास महर्जन न्हापा सुचिकाः ज्या याना वयाच्वना दीम्ह खः। थौकन्हय् अवकास जीवन हनाः च्वनादीम्ह खः। वय्कः नगां ज्ञानमाला भजन खलःया न्वकू नं खः। वय्कःनं विहार दनेगु नितिं धकाः जग्गा दान याना दिइगु खः। विहारया

नामय् जूसां व मुक्कं नगां ज्ञानमाला भजन खलःया थीथी आज्जु पूर्वकेत ताःलाइगु जूगु दु। १९ भिंगुदँ न्हयःपलिस्था जूगु ज्ञानमाला भजन खलःया थःगु ज्याकू मदु, अथेहे ज्येष्ठ नागरिक सेवा नं न्ह्याका वयाच्वंगु ज्ञानमाला भजन खलःयात ज्येष्ठ नागरिक दिवा सेवाः सुरु यायेत नं ज्याछिनीगु खनेदु। थुगु दानं याना रामदास व वय्कःया तिरिमय्जु नानी महर्जनया नां सदांया नितिं ल्यनाच्वनी। वय्कःपिं मदया वनीगु इलय् नं वय्कःपिनिगु नां श्रद्धां न्ह्याबलें लुमंकाः च्वनीगु जुइ। उगु ज्याभवलय् वय्कःपिन्त ज्ञानमाला भजन खलःया सल्लाहकार व ज्येष्ठ नागरिकपिन्सं श्रद्धापूर्वक सम्मान नं याःगु दु।

## सनिवाः सविन राईया कन्सर्ट

## माःक्वाःचा गार्डेनय् जुल

—ललेन्द्र शाक्य/

प्रत्येक वाःया शनिवाः पतिकं थीथी सांगितिक व्याण्डया कन्सर्ट ज्याभवःया ग्वसाः ग्वयाः 'गेष्ट अफ दि वीक' कथं थीथी व्यक्तित्वपिन्त हनेगु ज्या न्ह्याकाः वयाच्वंगु किपूया २ वडा छःधाखा त्वालय् च्वंगु माःक्वाःचा गार्डेनं मंसिर २५ गते शनिवाः नेपाःया लोकट्वाःम्ह रक

गायक सविन राईया याकः कन्सर्ट ज्याभवः जूगु दु।

अथेहे, वइगु शनिवाः 'गेष्ट अफ दि वीक' कथं नेपाःया मोबाइल व ग्याजेटसया टप विजनेश म्यान एलिभ ग्लाडर कुसन राईयात हनीगु जूगु दु।

ग्वसाः खलः माःक्वाःचा गार्डेनया साउण्ड पार्टनर बज्राचार्य साउण्ड एण्ड लाईट स्टेज सिष्टमया कजि भाजु तेजमान बज्राचार्य सविन राईया कन्सर्टया इलय् अन्तर्राष्ट्रिय स्तर या साउण्ड सिष्टम छ्यलागु धकाः नेवाः अनलाईननय् जयात जानकारी बियादीगु दु। तेजमान बज्राचार्य धयादिल, “आः गुलि नं सामानत छ्यला च्वनागु दु, सविन राईया कन्सर्टय् लाईटनिसें



कयाः साउण्ड सिष्टमय् नं उत्कृष्ट स्तरीय सामानत छ्यलागु दु। छगू कथं धायेगु खःसा अन्तराष्ट्रिय स्तरया साउण्ड सिष्टम छ्यलागु दु। कन्सर्ट स्वयावःपिं मनुतय्सं नं साउण्ड सिष्टम तसकं उच्चस्तरीय दुगु खँ कनादिल।

ग्वसाः खलः माःक्वाःचा गार्डेनया कजि राजकमल महर्जनं जानकारी बियादी कथं उगु गार्डेनं शनिवाः पतिकं थीथी स्थानीय व राष्ट्रीय स्तरया सांगितिक व्याण्डया कन्सर्ट ज्याभवःया ग्वसाः ग्वयागु धैगु व्याण्डया प्रमोट यायेगु नितिं हे खः धकाः धयादीगु दु। अथेहे, वय्कः कजि भाजु महर्जनं वाःपति 'गेष्ट अफ दि वीक' कथं थीथी ख्यलय् योगदान बिया वयाच्वनादीपिन्त हनाः वयाच्वंगु

खँयात कयाः धयादी, 'वास्तवय् गार्डेनं गेष्ट अफ दि वीक' कथं थीथी व्यक्तित्वपिन्त हनाः वयाच्वनागु धैगु वय्कःपिनिगु प्रतिभा व वय्कःपिन्सं सम्बन्धित ख्यलय् बियाः वयाच्वनादीगु योगदानयात कदर यासें सम्बन्धित ख्यलय् वय्कःपिन्सं अभ् अभ्वः

योगदान यायेफयेमाः धैगु तातुनाः थुकथं हनेगु ग्वसाः ग्वयाः वयाच्वनागु खः।' गार्डेनया कजि राजकमल महर्जनं आः याकनं हे जनकवि दुर्गालाल श्रेष्ठया च्वसां पिज्वःगु 'हस्ताक्षर' नांया सफूयात कयाः छगू तःजिगु विस्कं पहःया ज्याभवःया ग्वसाः ग्वयेगु तयारी यानाच्वनागु खँया जानकारी नं बियादीगु दु। माःक्वाःचा गार्डेन किपूया २ वडा छःधाखा त्वाःया बासिन्दापिं जानाः मंकाः कथं सामुदायिक गार्डेनया रुपं पलिस्था याःगु खः। उगु गार्डेन छगू पिकनिक स्पटया रुपय् विकास जूगु दुसा अन नेवाः नसात्वसाया नितिं रेष्टुरेण्ट नं चायेकातःगु दु। अथेहे, उगु गार्डेनय् थीथी विधाया जडिबुटी नं पिनातःगु दु।





# सतुंग:या भेलु, द्य:ख: व प्वंख: जात्रा

श्रीकृष्ण महर्जन

यँया दक्षिण पश्चिम लागया ऐतिहासिक नापं सांस्कृतिक रुपं महत्वपूर्णगु नेवा: वस्ती सतुंगल्य नं बखुमद: जात्राया इलय हे त:जिक जात्रा याइगु चलन दु । सतुंग:या नेवा:तयसं मूल द्य: कथं विष्णुदेवीयात नाला जात्रा याइगु ख: । जात्राया भूवल्य च:हे खुन्हु भेलु थुइगु ख: । श्रेष्ठतय मूल थरीपाखें मू वनय भेलु थुइगु याइ । अले प्यन्हु दुखुन्हु थिलाथ्व दुतिया खुन्हु धा:सा द्य:ननि गुथि व दज: गुथिपाखें नं छग: छग: भेलु थुइगु याइ । चौथिया बहनीयात हे नूतं धाइगु ख:सां थौकन्हय पञ्चमीया दिंयात नूतं धका: नाला वयाच्वंगु दु । नूतं खुन्हु हे विष्णुदेवी द्य:या मूर्तियात आसनं लिक्का धकी तयेगु याइ । बहनी जुइवं मत विउ वनीपिं नं दइ । थुखुन्हु द्य:ननि थकाली, दज: थकालि व पैचा व:खुइ वना खा छम्ह भोग विया समे नया वयेमा:गु चलन दु । अले सीका: भू यायेगु भूवल्य छयं द्य:ननि थकालियात, छुका प्यं दज: थकालियात अले ज: पपु पैचायात विइ । खस्तमी खुन्हु विष्णुदेवी द्य: नापं गँछि द्य:यात थिइ तर्क मजिउ धाइ । सप्तमिया दिनय बहनी म्ययस्याये वहां वनेगु धका: व:खुइ वनेमा:गु चलन दु । श्रेष्ठ थकालि अर्थात मूल थरी थकालि, द्य:ननि थकालि, दज: थकालि, नाय थकालि व:खुइ मेय स्यायेगु ज्या याइ । उक्कियात हे मेय स्याये वहां वनेगु धका: धाइगु ख: । काहां बाजं ज्वना, नायखिं थाना अथे व:खुइ वनेमा: बहनी । अले विष्णुदेवी द्य:यात पुजा आजा याना छाय हायेकेगु याइ । मेय स्यायेगु भूवल्य मेयया हिनू माला हि म्हुकेगु तर्क याइ । मेय स्यायेगु ज्या वचाये धुंका: ला प्यंगू भागय ब्वथली । न्हय:नेया लिफ: द्य:ननियात यंकी । छफ: द्य:यात बच्छि व नाययात बच्छि याइ अले छफ: ला छवयला छुइ । अले छवयला तया समे नया बहनी हे सकलें लिहां वइ । अथे लिहां व:गुयात मेय स्याये थाहां व:गु धाइ ।



अले अनं ज्वना व:गु ला द्य: फल्वाय तइ । देगलय वना धकी च्वंम्ह द्य:यात त्व:पुया हइ । अनलि छवयला त्वा:यापिं सकलसित इना विइ । थुक्कियात हे छवयलाभू धा:गु ख: ।

अष्टमी खुन्हु सुथय न्याम्ह थरित देगलय वना धकिइ च्वंगु द्य: सहित धकि ल्हवना द्य: फल्वाय हया तइ । सकलसिनं मत विउ वइ । अष्टमी खुन्हु हे बहनी नव:मिया सुथय जुइ न्हय: श्रेष्ठ थकालिपाखें जोगे या: वनेगु याइ । व:खुइ वना विपेश कथंया पुजा याइगु ख: । बांछा छम्ह नं यंकेमा:गु चलन दु । अन मच्छेगांयापिं नं वयाच्वनी । इमिसं नं जगे याइ । उक्कियात होम या:गु नं धाइ । निखम्ह दुगु छम्ह होम याइ । सप्तमि



खुन्हु स्या:म्ह मेयया नुग:चु नं व हे होमय तयेमा: । उक्कियात सुयात नं धाये मजिउगु मूल ज्या धका: धाइ । उगु इलय न्याग: धाल्वा ज्वना पुजा याइगु ख: । छगू कथं धाल्वा खाकेगु हे ख: । न्याग: मध्ये छगलय छता छता याना न्याता तयातइ । हि, ल:, अय्ला:, थ्व, दुरु तयात:गु न्याग: हे धाल्वायात न्याम्ह हे च्वना चीहीका होम यायेमा:गु चलन दु । व:खुइ याइगु उगु कथंया होमयात हे जगे यायेगु धका: धाइगु ख: । नव:मिया बहनी दशमीया सुथ जुइ न्हय: हे भेलु नाप नापं द्य:ख: व:खुइ यंकी । अले मल: जा नकेगु याइ । अबले मल: दुगु धका: तर्क यंका: अन हे स्यायेगु याइ । अबले विधि पूर्वक पुजा याना अथे दुगु बलि विइगु ख: ।

## प्व: थकालि याना भव्य नइगु

बखुमद: जात्राया भूवल्य छगू विशेषता जुयाच्वंगु धइगु प्व: थकालि याना भव्य नइगु ख: । दशमी जुइ न्हय: न:मिया चान्हय प्व: थकालि याना व:खुइ भव्य नयेमा:गु चलन दु । उखुन्हु चान्हय मल: दुगु बलि विइगु ख:सा व हे दुगुया छयं बच्छि प्व: यात अले बच्छि सी सतुंग:या द्य:ननी थकालियात विइ । मल:जा नके धुंका: याइगु सीकाभूया इलय उगु कथं सी इना विइगु ख: । उगु इलय द्य:पाखे प्व: थकालि च्वनी अले वया न्हय:ने द्य:ननी थकालि थकालि अले खवय पैचा थकालि च्वना

सीकाभू याइगु ख: । अबले भेलु थ्वं प्रसादया रुपय काइ । थुगु कथंया सीकाभू याइगु ज्या धा:सा विष्णुद्य:या देग: दुने हे ख: ।

## भेलु व द्य:ख: जात्रा

व:खुइ फुक्क कथंया विधि वचाये धुंका: दशमी खुन्हु सुथय सिन्ह:या जात्रा सुरु जुइ । दक्ले न्हापां बन्थचा अर्थात सिरयापिन्सं द्य:ख: ल्हवना जात्रा याना यंकी । अनं लिपा ल्हवखायापिन्सं अले ब्वसिगांयापिन्सं द्य:ख: ल्हवने धुंका: मच्छेगांयापिन्सं द्य:ख: ल्हवना जात्रा याना थ:थ:गु गायम्पाखे यंकी ।

मच्छेगांया द्य:ख: खुसि पारिइ मन्दु दुगु थासय दिक्के धुनेवं ल्हा: धंका: हइ । अले सतुंग:या विष्णुदेवीया मूर्ति खतय तया जात्रा याना ख: ल्हवनी । न्हापां भेलु ल्हवनेगु याइसा अनं लिपा द्य:ख: ल्हवनेगुयाइ । जात्रा याना हइगु अवस्थाय गज्जू बूँ धाइगु थासय थ्यंका: दिक्की । अनं थना हया हाकनं ज्वरुंचाय थ्यंका दिक्की । थ्व हे इलय भेलु ख्यालय भेलु दिक्केगु याइ । अन सकलसित समे नकी । जात्रा संखननिइ थ्यनी । अन पिखालखुइ मू थकालि व मूल थरीया पुजा द्य:ननि थकालि पुजा याइ ।

सुकुन्दा च्याका, फँलुना, ता:चां साला भमचा दुकाये थें याना बलिं पिया पुजा याना दुकाइ । अनं लिपा द्य:ख: ल्हवना क्वाथय थ्यनेवं हे कुवयात:गु अवस्थाय हे द्य:ब्रम्हृतयसं पुजा याइ । दुगु छम्ह

बलि विइ । प्यम्ह थरि मध्ये छम्ह छम्ह याना पा:पा: पुजा तर्क याइ । उगु हे कथं हाकनं भंसा: त्वा:या सिंगेस्वां वय् दिक्की । अन दज: गुथिया थकालि व द्य:ननी थकालिपिन्सं नं भमचा दुकाये थें याना पुजा याना दुकाइ । अनं लिपा द्य:ख: जात्रा द्य:ननीइ यंकी । बाजा गाजा सहित त:जिक सतुंगलय जात्रा वचाइ । एकादशी खुन्हु जात्रा याइमखु । थुगुखुन्हु द्य:यात छुं हे याइमखु । द्य:ख: नं अथें हे तया तइ । बहनी धा:सा श्रेष्ठ खलक, थरी, दज: थकालि द्य:ननि थकालि सकलसित प्रसादया रुपय थ्वं त्वंकी ।

## प्वंख: जात्रा

सतुंग:या विशेषता जुयाच्वंगु प्वंख: जात्रा द्वादशी खुन्हु जुइ । द्वादशी खुन्हु सुथय न्हापां खतय च्वंगु द्य:यात धकिइ तया समा: याइ । द्य: फल्वाय हे धकि

तइ । पुजा विइ । अले सकलसिनं पुजा याइ । द्य:ननी थकालिपाखें दक्ले लिपा पुजा याइ । न्याम्ह थरि धकि कुविइ । श्रेष्ठ थकालिं ल्हवना विइ । अले द्य:या मूर्ति दुगु धकि सतुंग:या फुक्क लाग्ना चा:हिइकी । विष्णुदेवीया देगलय यंका: जक दिक्केगु याइ । अथे धकि दिक्के धुंका: बाजागाजा सहित प्वंख: जात्रा सुरु जुइ । प्वंख: धइगु खालिगु ख: अर्थात द्य: मदुगु द्य:ख: ख: । खालिगु ख: सांस्कृतिक बाजं थाना तसर्क न्हयाइपुक जात्रा याइ । द्य:ख:यात छायपिया न्हयाइपुक जात्रा याइगु प्वंख: जात्रा धइगु छगू कथं अजूचाइपुगु जात्रा ख: ।

प्वंख: जात्रा धुंका: जक विष्णुदेवी द्य:या मूर्ति देग:या आसनय तयेमा:गु चलन दु । श्रेष्ठ थकालिं ल्हवना द्य:ननि थकालिं मूर्ति आसनय चइयगु ख: । अले दक्ले लिपा छवयला तया प्रसाद काइ । चिपं थिइगु याइ । थुगु कथं सतुंग:या प्वंख: जात्रा वचाइगु ख: । सतुंगलय जात्रा वचा:गु प्यन्हु तर्क सतुंगलय छुं नं कथंया बाजं थाये मत्य: धाइ । अले प्यन्हु दुखुन्हु धा:सा प्यन्हु विचा: वनेमा:गु चलन दु । य:मरि पुन्हि खुन्हु प्यन्हु विचा: वनीगु ख: । थुगु कथं जात्राया फुक्क प्रक्रिया वचायेकीगु चलन दु ।





हलिं नेवा: गुथि किपू कचां किपुली या:गु  
“भिके-ल्ह्वने-न्हूधा: यायेनु”छ्यौं तया चिनाखँ गोष्ठी ब्वंगु चिनाखँ छसिंकथं  
पिकया वनेगु तातुना थ्व चिनाखँ न्ह्यब्वयागु ख:

८. देय् सुचुपिचु याना: देय् सुचुपिचु याना: भिका: भीसं,  
हलिमय् ब्वयेनु सकलें जाना: हलिमय् ब्वयेनु

## दिलकुमारी महर्जन

### बाकुनिनि, किपू ।

दछिन्ह्य: भुखाचं स्यंकूगु थ्व देय्  
थ:थिति मदया: नुगलय्, घा: जुल गय्-गय्  
हिसिं भय्ब्यूगु शान्तगु थुगु देय्  
म्हगसथें जुयाबिल भताभुंग भीगु देय्  
वा सकलें जाये वा, थ्व देय् न्हू याये, थ्व देय् भिके

भीत जूगु घा:या घा: पुईं चिने मला:नि  
थुगुसिइ चलखं गुलि जुल मानवीय क्षति  
खुसिं सि नया: बुँ बाली क्षति  
गुलि स्वयाच्चने स्वस्वथाय् पक्षपाती  
वनेनु सनेनु वा सकलें जायेनु, देय् न्हूधा: यायेनु

दैय्-दैय् वा वइ, चल: वइ न्ह्यावले  
त्वह: मदु त्वह: तया: देय्या सिमाना त्य:वइ  
घा: जुल, पा: जुल, न्ह्य:मवल वस्ति या  
नेतातय् ब्वाय् जुजुं सन्ह्य:वल फुंफुं

## ६. किपा:

### ओमप्रकास श्रेष्ठ

#### थक्वा:, यें ।

तिपू लापाचा ब्व:थें, छत्ताप ब्वयेगु रहर जि नं  
छंत गुलि य: जि, उलि हे य: छ जित नं

छं ब्यूगु पाहाँचरेया ब्व, अति हे सा:  
लुनाब्यूगु अय्ला ला, भन मि हे च्या:

निम्हय्सिया दथुइ न्ह्या:गु, मतिनाया ई  
सु त्याइ धका: खँ गुबलें मक्:, जिमि दथुइ

इलं हयाबिल छगू तधंगु, जीवनय् चल:  
स:ता: स्वयां वयात न्ह्याय् हे, मदु सलं

भताभुंग थासय् खन जिं, सँभ्या: छपा:  
व सँभ्यालं ब्वयाच्चन, नेवा:या सकिपा: ।

## ससफो नेपाल पहिचान पक्षधरपिनि लोकप्रिय पार्टी



तत:धंगु धा:गु पार्टीतसें  
पहिचानसहितया संघीयता  
ल्वमंका: वनाच्वंगु इलय्  
पहिचानया पक्ष थिसिलाक्क स:  
थ्वयेका: आन्दोलन याना  
वयाच्वंगु संघीय गठबन्धनया  
संयोजक उपेन्द्र यादवया पार्टी  
संघीय समाजवादी फोरम  
नेपालप्रति पहिचानसहितया  
संघीयता पक्षधरपिं आकर्षित  
जुयाच्वंगु दु ।

तराईया थीथी जिल्लाय्  
संगठन निर्माण, विस्तार व  
सुदृढीकरण यायेगु भवलय् मेमेगु  
पार्टीया नेता, कार्यकर्तापिं सलंस:  
उगु पार्टी दुहांवयेगु क्रम  
न्ह्यानाच्वंगु दु ।

नकतिनि लहानय् जूगु छगू  
ज्याभवलय् ८०० च्यास:म्हसिवें  
अप्व: नेता कार्यकर्तात संघीय  
समाजवादी फोरम नेपालय्  
दुहांव:गु दु । नेपाली कांग्रेस,  
नेकपा एमाले, नेकपा माओवादी  
केन्द्र व राप्रपा लिसेंया थीथी  
पार्टी त्व:ता लहानया प्रभावशाली

नेपाली कांग्रेसया  
केन्द्रीय दुज: व पूर्व  
गाविस नाय रामनारायण  
यादव, एमाले नेतापिं सुर  
न्द्र महतो, राजनारायण  
शाह, नविन महतो,  
नेकपा माओवादी केन्द्रया  
नेतापिं राजन श्रेष्ठ, र  
मेश राई, मनोज लामा,  
राष्ट्रिय प्रजातन्त्र पार्टीया  
जिल्ला नेता मनोज

यादव, फोरम गणतान्त्रिकया  
नेता दिपेन्द्र यादवया नेतृत्वय्  
छगू त:धंगु पुच: फोरम नेपाल  
दुहां व:गु ख: ।

माओवादी नेता राजन  
श्रेष्ठया नेतृत्वय् ७० म्ह सिबें  
अप्व: ल्याय्म्हपनिगु पुच: नं वहे  
ज्याभवलय् फोरम नेपाल दुहां  
व:गु समाजवादी युवा फोरमया  
केन्द्रीय मूछ्याञ्जे अजयकुमार  
यादवं जानकारी बियादिल ।

आमसभा व पार्टी दुहां व:गु  
ज्याभवलय् पार्टी न्वकू व मधेस  
प्रदेश नाय: रेणु यादव, केन्द्रीय  
दांभरी व पूर्वमन्त्री विजय यादव,  
पूर्वमन्त्री राजलाल यादव, सांसद  
विरेन्द्र यादव, केन्द्रीय दुज: संजय  
सिंह, असेश्वर यादव, मिसा फोर  
मया केन्द्रीय नाय: निर्मला यादव  
लिसेंया नेतापिनिगु उपस्थिति  
दूगु ख: । बुधवा: जक सप्तरीइ  
द्व:छिम्ह सिबें अप्व: व मंगलवा:  
बाराय् ९७५ म्ह प्रभावशाली नेता  
कार्यकर्तापिनिगु पुच: फोरम  
नेपालय् दुहां व:गु ख: ।

## अन्धविश्वासय् लिकुनाच्वंगु विज्ञान



नेवा: समाजय् थीथी  
कथं संस्कृतिगत दु अले  
थ:थ:गु कथंया धारणा  
दयेका वयाच्वंगु खने दु ।  
संस्कृतिइ विविधता दुपिं  
नेवा: समाज दुने थथे  
याये मत्य: अथे याये मत्य  
धका: थीथी कथंया  
अन्धविश्वास ल्यनाच्वंगु  
दु । अज्व:गु कथंया  
अन्धविश्वास दुने  
वास्तवय् विज्ञान  
सुलाच्वंगु दु धका: पन्नार  
त्त महर्जनं क्यादीगु दु ।  
वय्कलं नेवा: समाज नाप  
स्वाका अन्धविश्वारय्  
लिकुनाच्वंगु विज्ञान नांगु  
सफू तकं च्वयादीगु ख: ।  
व हे सफूपाखें निरन्तर  
रुपं न्ह्यब्वया वयाच्चनागु  
ख: – सं.

लाकां धयागु तुती न्ह्यायेगु  
वस्तु ख: । तुतिया संरक्षण यायेत  
लाकां न्ह्यायेगु याइ । लाकामं  
तुतिया रक्षा याइ ।

लाकां तजिकथंया पदार्थ  
दयेकू । नालु, सु, काप, छयंगु  
आदिया लाकां अप्व: छयलाबुलाय्  
व: । छें दुने न्ह्यायेत नालु, सु  
आदिया लाकां छयली ।पिने न्ह्यायेत  
छयंगूया लाकां छयलेगु याइ । काप:  
लाकां छें दुने व पिने निथासं  
न्ह्यायेगु या: ।

छें दुने न्ह्यायेगु व पिने  
न्ह्यायेगु लाकांयात व्यवहारय्

## लाकां न्ह्याना: जा/भ्वय् नयेमज्यू

### पन्नारत्त महर्जन

अन्तर यानात:गु दु । पिने न्ह्यायेगु  
लाकांयात नसापाखें भचा  
तापाइकथं लवय् हे त्व:तेगु याइ ।  
दुने न्ह्यायेगु यात नये थासं भचा  
पाक्क जक त्व:ती । पिने न्ह्याइगु  
लाकां न्ह्य:ने ला:थाय् न्ह्या वइगुलिं  
थथे याइगु ख: । भ्वय् आदि  
याइबलय् नं लाकां न्ह्याये हे मा:सा  
काप:यागु न्ह्याइ, वनं फयांफछि  
न्हूगु ।

लाकां न्ह्याना: जा अथवा  
भ्वय् नये मज्यू धयागु लोक मान्यता  
दु । नल धा:सा छु जुइ व छाय् नये  
मज्यू धयागु खंय् चित्त बुझय्  
जुइकथं गनं धयात:गु मदु । अयनं  
थ्वयात गहन रुपं बिचा: यात  
धा:सा तथ्यसत्य लुयावइ । लाकां  
न्यासि जुइत न्ह्याइगु ख: । अथे  
धयागु लय् जुइत ख: । लय् छु दइ  
छु मदइ धाय् फइमखु । फोहर  
आनिं दयाच्वनेफु । फोहरय् थीथी  
कथंया सुक्ष्म हानिकारक कीत  
दयाच्चनेफु । थज्या:पिं कीत  
लाकामय् प्यपुना वइगु यक्व  
सम्भावना दइ ।

लाकां न्ह्याना: जा अथवा  
भ्वय् नइपिन्त छगू कथं संबोधन  
याना: हिस्यायेगु नं चलन दु । थ्वया  
मतलब वयालिसे च्वना: नये मज्यूगु  
संकेत क्यंगु ख: । छाय्धा:सा वं  
न्ह्यानात:गु लाकमय् हानिकारक  
कीत प्यपुना वयाच्वंगु दयेय: ।  
वयानापं च्वना: नल धा:सा व कीत  
थ:गु नसाय् नं सरय् जुइफु । थुकिं  
लाकां न्ह्याना: छाय् नये मज्यू

धयागु अर्थपूर्ण धंगं न्ह्यब्वयात:गु  
दु ।

नसा नयेबलय् ज्या छिक्क  
व आरामं च्वना: नयेमा: ।  
ला:थेपा:थे च्वना: व सना: नयेबलय्  
नसा गुकथं घुतुं वने मा:गु ख:,  
मजुइफु । थथे जुया: गबलें गबलें  
ह्वं नं पुइ य: । नसा नयेगु तरि  
काया गडबडीं प्वा: नं स्याके य: ।  
लाकां न्ह्याना: नयेबलय् बांलाक  
फय्तुइ छिनी मखु । लाकामं  
न्वइ । लाकां त्व:ता: नल धा:सा  
मुलेपतिं थ्याना: बांलाक फय्तुना:  
नयेछिनी ।

बांलाक फय्तुना: च्वनेबलय्  
सतबवत क्वय् तप्यना: नसा  
बांलाक घुतके छिनी । जा अथवा  
भ्वय् नयेबलय् उबलय् आ:थें टेबुल  
आदिइ दिका: मेचय् फय्तुना:  
नयेगु चलन मदु । देयमा, लते  
आदी तया: बय् दिका: सुकू आदि  
लाना: अन हे फय्तुना: नये मा: ।  
थज्या:गु अवस्थाय् लाकामय्  
प्यपुनाव:पिं कीत भी नयेगु नसाय्  
याउँक व अप्क सरय् जुइफइ ।  
थज्या:गु नसां भीगु उसाय् यात  
नकारात्मक प्रभाव ला:वने फइ ।  
लाकां न्ह्याना: जा अथवा  
भ्वय् जक नये मज्यूगु मखु । बय्  
दिका: फय्तुना: नयेमा:गु छु नं नसा  
नये मज्यू । नांगा तुतिं नं गनं  
तातापाक व फोहर आदि  
न्ह्यातयागु द:सा फय्तुना नयेगु नसा  
नयेत न्हापा यच्चुक तुति नि सिले  
मा:गु चलन दु ।

## ब्वनादिसँ

## ब्वंकादिसँ सफू

### उपन्यास

### थ्वया च्वंगु स:


### न्वचू, उद्घोषण व एफ एम

### संचालन कला

### नास:

### चिनाखँ मुना

### ईब्य:या चिनाखँ



मू सच्छ तका जक



मू निस: तका जक



मू न्यय् तका जक

## मनू मालाचवनाम्ह जि...



प्रशान्त महासागर

जिगु देय्या घा: जि खं,  
स्व स्वथाय सुतुमातु सुया  
म्वाय्माम्ह जि ख:  
थ:गु किच: खना:  
ग्याका  
सू...जुया चवनाम्ह नं जि हे ख:  
खंयतला  
व जिगु परिचय ख:

परिभाषाया सवाल्य  
थ:गु हिं गथेंयाना त्वनेगु...  
व जि मनूया विचा: ख:  
ख्याया खँय  
थौ तक न गथें ख: जिं मस्युनि  
त्वापा त्वापा व त्वापा त्वापा  
चरित्र ख:सा हिले मसगु  
मेगु खँ ख:  
अहम् व स्वार्थया छेगु नं भुना  
त:गु स्युसा:  
परिवर्तन,  
अपराध मन तुना  
थ:गु सार मिया  
न्या:गु  
जि मनूया खँ ख:  
जि थ: मनू जुया नं  
मनू मा:जुया चवनाम्ह मनू ख:  
जिगु देय्या घा: जि हे ख:।

## गज्यापिं जनतात भीपिं



कवि राम महर्जन

की.न.पा. १६, नगाउँ

छिकपीत यक्को यक्को धन्यावाद दु :  
शाहवंशमा एकाधिकार मुक्त जुया  
दे व जनतायात ध्याचले घवाना  
ल्हातय् लागु राजकाज दूरुपयोग याना च्वँपीत

नव उदारवादी शोसक जुया  
दे व जनतायात गुमराहलय् तया  
निलंज कलाकारया रुप कया  
निर्वस्त्र नाटक मञ्चन याना च्वँपीत

ना पद व इज्जत जक मखु  
धेवायात विशेष महत्व विया  
थपिनि गगनचुम्बी महल दयका  
जनतायात बकं फुसुलुं भाषण विया च्वँपित

दे दयकेगु बहाना बाजी प्रस्ताव हया  
थ: गु कर्तव्य विमुख जुया  
छिमेकीया इशारा कथं  
दे चलय याय्त स्वया च्वँपित:

पदीय दायित्व विमुख जुया  
जनताया विचय त्वापु ख्यापु जइकथं  
न्हु न्हुगु खं न्ह्योने हया  
जनता थ: थ: त्वाका च्वँपित

भीगु हे भोट कया त्याका  
भीगु हे छयोने मुस्या सिया नया च्वँपीं  
नेतातय्त: म्हासिके मफुपीं  
गज्यापीं जनता त: भी पीं

छिगू नं चिनाखँ,  
बाखनिसें छुं नं कथंया  
चवसू दुसा वियादिसँ  
जिमिसं त्व:कंहवा:गु  
ज्वजलपा वा:पतिइ  
पिकायेगु जुइ ।



ज्याकू: निखासी त्वा: किपू  
नपा-३  
फोन ल्या: ४३३३००७,  
९८४९४०९०७७  
ई-मेल :  
kirtipur\_sandesh@live.com

## दाफा महोत्सव न्हूगु उत्साह कथं न्ह्यानाच्वन: भाइकाजी महर्जन



नेपालमण्डल टेलिभिजन नेपालमण्डल दाफा महोत्सव वंगु कार्तिक १२ गतेनिसँ न्ह्यानाच्वंगु दुसा बइगु फागुन १४ गतेतक जुइ। यलया ललितपुर मलय वा:पतिं शुक्रवा: व शनिवा: जुयाच्वंगु दाफा महोत्सवयात कया: नेपालमण्डल टेलिभिजनया प्रबन्ध निर्देशक लिसँ दाफा महोत्सव निर्देशन समितिया न्वकू भाइकाजी महर्जन 'नयन'लिसँ नेवा: अनलाईनन्यूज या:गु खँल्हाबल्हा सँक्षिप्त रुपं न्ह्यव्वयाच्वना । -सं.

## दाफा महोत्सव गुकथं न्ह्यानाच्वंगु दु ?

-विचा: मया:कथं थुगु महोत्सवया दाफा खल:पिन्सं ब्वति कयाच्वंगु दु। महोत्सव याये धका: विचा: यानाबलय थुलि दाफा खल: पुच:त सहभागी जुइ धका: विचा: हे मयाना। थ्वल्याखं स्वयेगु ख:सा दाफा महोत्सव अतिकं बांलाक्क व न्हूगु उत्साह कथं न्ह्यानाच्वंगु दु। थ्वहे हुनिं थुगु महोत्सव न्याला तक न्ह्यायेत्यंगु ख:।

## थुगु महोत्सवया मू आजु छु ख: ?

-नेवा: संस्कृतिइ दाफा थायेगु प्रचलन ऐतिहासिक रुपं नं महत्वपूर्ण ख:। नेवा: जातिया फुक्क उप(जातय् दाफा थायेगु चलन दु। तर, थ्व महत्वपूर्ण भीगु संस्कृति व परम्परा बुलुहुं तनावनीगु खतरा नं उतिकं हे खनेदत। न्हूपुस्तां दाफाया महत्वयात मथुया: वंगु व संगठित रुपं दाफाया परम्परायात न्ह्याके मफुगुलिं नं थुकथं दकले न्हापां दाफा महोत्सव यानागु ख:। अथेहे, वंगु दँया त:भुखाचं याना: गुलिखे दाफा थायेगु फल्चा, छेँ च्वनेमज्युगु स्थिति दु। थ्व ल्याखं नं थ्व महोत्सव यायेमा:गु ख:। दाफा थायेगु परम्परा व संस्कृतियात देय् न्यंकं जक मखु, हलिमय् न्यंकं प्रचार प्रसार यायेगु नितिं दाफा महोत्सव यानागु ख:।

## थ्व महोत्सवयात राज्यपाखें गुकथंया ग्वाहालि जुयाच्वंगु दु ?

-दाफा महोत्सव भीसं राष्ट्रपति विद्यादेवी भण्डारीया ल्हा:तं यानागु ख:। राज्यपाखें ग्वाहालि यायेगु बचं ला वियाच्वंगु दु। लिसँ थुगु महोत्सव गुकथं न्ह्यानाच्वंगु दु, गथे जुयाच्वंगु दु, थुकिया जानकारी सरकारया सम्बन्धित निकाय नं कायेगु यानाच्वंगु दु। आ:या नितिं सकारात्मक खँ थ्वहे ख:।

## थुगु महोत्सवया व्यवस्थापन यायेत गुलि थाकल ?

-न्हापा ला थ्व महोत्सव थुलि त:जिक जुइ धका: विचा: मयाना। तर, न्ययगु-खुइगु दाफा खल:तसँ ब्वति का: वयेवं थुकिया व्यवस्थापन यायेत छुं भच्चा थाकूगु दु। वालय निक्क: धा:सां खल: पुच:यात व्यवस्थापन यायेगु, उकिया ज्याभव:या समायोजन यायेगु भच्चा थाकूगु हे ख:। तर आ: ज्याभव: तालिका कथं न्ह्यानाच्वंगु दु। थाकू अ:पू अथेहे ख:।

## दाफा महोत्सवयात कया: प्रचारप्रसार गुकथं जूगु तायेका ?

-दकले न्हापां ला दाफा महोत्सवया महत्वयात थुइका: राष्ट्रपति विद्या भण्डारी थ्व ज्याभव:या उलेज्या यायेत भायादीगुलिं हे थुगु

महोत्सव राष्ट्रव्यापी रुपं प्रचारप्रसार व महत्वपूर्ण ज्याभव: कथं जूवंगु दु। प्रचारप्रसारया ल्याखय् फुक्क धयाथें नेपा:या संचार माध्यमतसँ थ्व ज्याभव:या प्रचारप्रसार या:गु दु। मेखे भीगु थ:गु हे टेलिभिजन नेपालमण्डलपाखें दाफा महोत्सवया प्रत्यक्ष प्रसारण यानागु दु। जिं स्वये दाफा महोत्सवया प्रचारप्रसार गाक्वं जूगु दु।

## आर्थिक व्यवस्थापन गुकथं यानादिया ?

-आर्थिक पक्षयात खँ ल्हायेगु ख:सा मुक्कं थ्व ज्याभव:यात ग्वाहालि ललितपुर मलं नं या:गु ख:। वय्क:पिनिगु ग्वाहालिं हे थ्व महोत्सव ता:लानाच्वंगु ख:। आर्थिक रुपं भीसं दाफा खल: पुच:यात त:धंगु ग्वाहालि छुं नं यायेफूगु मदु। भीगु परम्परा कथं बाजं पितहये न्ह्य: विइमा:गु केपु कथं द्वा:छि तका दां स्वनिगलय् च्वपिन्त व स्वनिगलं पिने च्वपिन्त निद्र: तका दां देछानागु दु।

## दाफा महोत्सवय् तापाक्कनिसँ गनं गनं ब्वति का:गु दु ?

नेवा:त दूगु गां-वस्ती-लागाया सहभागिता अतिकं हे बांला:। स्वनिग: पिने दोलखा, तिस्तुङ-पालुङया लिसँ थीथी जिल्लाया दाफा खल:पिन्सं ब्वति का:गु दु।

## दकले लिपा छुं धयादी कि ?

-दकले न्हापां ला दाफा महोत्सव थथे त:जिक न्यायेकेत ग्वाहालि याना: वयाच्वपिं सकलसितं सुभाय् देछाना। विशेष रुपं आर्थिक ग्वाहालि या:गु व ललितपुर मलय थाय् विया: ललितपुर मलयात दुनुगलनिसँ सुभाय् देछाना। अथेहे, थीथी दाफा खल:पिन्सं उत्साहपूर्वक ब्वति कयादीगुलिं वय्क:पिन्त नं सुभाय् देछाना। मेता खँ दाफा महोत्सव धा:सां थ्व महोत्सवया उत्साहया हुनिं दाफा महोत्सवया लाखे प्याखं, ख्या: प्याखं, माक: प्याखंया लिसँ थीथी कथंया नेवा: संस्कृति ज्याभव: नं ब्यनेमाल धका: ब्वति कायेत वयाच्वंगु दु। इमित नं दुनुगलनिसँ सुभाय् देछाना। मेता खँ ला थुगु महोत्सव भीगु थ:गु हे विस्कं कथंया म्हासीका दूगु ज्याभव: जूगुलिं थुगु ज्याभवलय् सकलसितं ब्वति कायेत इनाप यानाच्वना। स्रोत : नेवा: अनलाईन



भिं  
तु  
ना



किपूया म्हायाम्चा ननिता महर्जनं च्याक्व:गु  
डब्लुबीपीएफ विश्व शारीरिक सुगठन अले स्पोर्ट्स  
फिजिक च्याम्पियनसिपय् कास्यक पदक त्याकादीगुलिं  
अभ्क अप्व: प्रगति याये फयेमा धका: भितुना देछायाच्वना।

झाङलया वाइयो